

Nias - Wondrara Mbuku Ni'amoni'ö - Comfort Scriptures

Gorindro II. - 2 Korindro 1:2-4 Jafaloecha ami wa'eboea dödö ba fa'ohahaoe dödö, chō Namada, Lowalangi ba chō Zo'aja ja'ita, Jesoe Keriso! 3 Nisoeno Lowalangi Zo'aja ja'ita, Jesoe Keriso, Amania, Ama wa'ahachō dödö andrō, Lowalangi wondrara dödö, fefoe, 4 sondrara tōdōma, ba wa'afōchō andrō fefoe, chōma, ena'ö ma'ilā marara dödö zi gōna fa'afōchō hadia ia ngawalō, moroi ba wondrara dödö andrō, si faloecha ndra'aga chō Lowalangi.

Gamaeddola 15:13 Na omoeso dödö, ba ohahaoe gōi mbawa; ba na so wa'aboe dödö, ba aragoeragoe gōi ia.

Razo I. si Fōfōna 8:66 Ba me loeo si ūlōe, ba ifofanō niha sato. Ba la'angonasi razo ba lafoeli ira chōra, omoeso dödōra ba abe'e dödōra, ba zi sōchi andrō fefoe, nibe'e Jehowa chō genonia Dawido ba ba mbanoeania, Iraono Gizeraëli.

Nga'ötō I. si Fōfōna 16:10 Misoeno ami ba dōinia andrō, ni'amoni'ö. Ja'omoeso dödö zangaloei Jehowa.

Gamaeddola 12:25 Fa'aboe dödö niha, ba ihōndrōgō tooe dödö; ba fondrara dödö daroma li nihaogō.

Gamaeddola 13:12 Tōtōnafō sogasa, ba ifofōchō dödö; ba na aloea zomasi ita, ba no amaedola geoe sowoea fangorifi.

Jesaja - Yesaja 30:26 Ba haga mbañā, ba si mane haga loeo, ba haga loeo, ba mewitoe fa'abōlō fōna, si mane na oroedoe haga zi fitoe ngaloeo, na idaloedaloeni wōchō mbanoeania andrō Jehowa, na ifadōhō zesochō ira.

Hosea 13:8 oera'oe ira nifondra'oe mberoea si alawe, niheta ono, ba oere'a gōrōba dödōra (totora). Ba da'ö la'ā ira ono zingo, ba lasasawi ira oetoe ndroe'oe.

Zamueli I. - Zamoeëli I. si Fōfōna 1:8,10 Ba imane chōnia fo'omonia Elikana: He Chana, hana wa mege'ege ndra'oegō ba hana wa lō manga'ö? hadia mbōrō wa si lō sōchisōchi dödōoe? Hadia, lō omasi'ö ndra'odo, moroi ba zi dafoeloe, ono matoea? 10 Ba mangandrō Chana chō Jehowa, ba wa'aboe dödōnia andrō, mege'ege sibai ia, ba ifaboe'oe linia,

Zinoenō 25:16,17 Otahōgō ndra'o ba eboea'ö dödōoe chōgoe! noa sa aomō'aomō ndra'o ba si noemana! 17 No fahōna wa'aboe dödōgoe; efa'ö ndra'o ba wa'atosasagoe andrō!

Zinoenō 34:19 Ahatō Jehowa ba zi no arasa tōdō ba itolo zi no atata era'era.

Zinoenō 38:9 Erege dödōgoe ba no arasa manō dōlagoe; mangarōngarō ndra'o, eboea ligoe, moroi ba li zingo.

Zinoenō 55:5 Manizi bacha dödōgoe ba no ihawoei ndra'o fa'ata'oegoe wa'amate.

Zinoenõ 61:3,4 Moroi ba wondrege danõ moe'aodo chõoe, na olofo dõdõgoe; ohedo jaŵa ba dete gara, sabõlõ alaŵa chõgoe. 4 Saŵatõ sa'ae ndra'oegõ chõgoe, hati saro, ba nemali andrõ.

Zinoenõ 62:9 Bõi ja mamalõmalõ wanõtõnami chõnia, ja'ami ono niha; mibokai dõdõmi chõnia; tõtõnafõda Lowalangi.

Zinoenõ 73:26 Alacha alõ nõsigoe ba alacha ariri dõdõgoe; we'ewe'e dõdõgoe Lowalangi ba oerachagoe, iroegi zi lõ aetoe.

Zinoenõ 77:3,4 Oe'aloei Zo'aja, na baŵa wa'aboe dõdõgoe; ba zi bongi oe'oro'õ dangagoe, lõ atage; lõ edõna terara dõdõgoe. 4 Itõrõ tõdõgoe Lowalangi, ba mangarõngarõdo; mangerangera ndra'odo, ba alangoe dõdõgoe.

Zinoenõ 86:11 Ombacha'õ chõgoe lala andrõ chõoe, Jehowa, ena'õ oetõrõ ia, ba zi fadoehoe dõdõoe; osambalõ'õ dõdõgoe ba wangata'oefi tõimõ andrõ.

Zinoenõ 109:22 Seboea famakao sa ndra'o ba si noemana, ba no mesocho bacha dõdõgoe.

Zinoenõ 112:7,8 Lõ tokea ia, na irongo doeria si lõ sõchi; abe'e dõdõnia, manõtõna chõ Jehowa. 8 Aró dõdõnia; lõ ata'oe ia, irege omoeso dõdõnia, na i'ilä zi gõna si fa'oedoe chõnia.

Zinoenõ 143:4 Ba no ariri bacha dõdõgoe, no okõli dõdõgoe, barõ dotogoe.

Zinoenõ 147:3 Ja'ia andrõ, sangebe'e'õ si no arasa tõdõ andrõ, sodaloedaloeni safõchõ chõra.

Gamaeddola 14:30 Fa'ebolo dõdõ, ba no fangorifi mboto, ba fa'afõchõ dõdõ, ba no fa'obooe dõla.

Zangombacha 1:13 Ba no oebe'e dõdõgoe ba wangaloengaloei ba ba wamaigimaigi fefoe hadia ia ba goeli danõ, ba wa'atoeatoeagoe: famakao, nibe'e Lowalangi ba nono niha, wangeregesi tõdõ ba da'õ!

Zangombacha 2:10 Ba fefoe hadia ia gomasiõ hõrõgoe, ba oetehe chõnia, ba hadia ia zomasi dõdõgoe, ba oe'o'õ chõnia, omoeso sa dõdõgoe wa'akaogoe andrõ fefoe, da'õ haregoe ba wa'erege dõdõgoe andrõ fefoe.

Zangombacha 2:22,23 Hadia atõ nisõndra niha, ba wa'erege dõdõnia andrõ fefoe ba ba wangaloengaloei dõdõnia, nifakaonia ja'ia ba goeli danõ? 23 Ero ma'õchõ sa so wa'afõchõ chõnia, ba fa'aboe dõdõ halõhalõŵõnia; ba he ba zi bongi, ba lõ faloecha wolombase dõdõnia. Si lõ boto gõi da'õ!

Zangombacha 11:10 Timba wa lõ sõchisõchi dõdõoe, ba faigi, fa bõi ihatõ'õ ia ba nõsioe famakao; noa sa fajafaja wa'a'onomathea ba fa'aitõ mboe.

Jesaja - Yesaja 30:29 Ba sanoenõ ami, si mane ba zi bongi, na tefobõrõ gowasa; somoeso tõdõ ami, si mane si mõi misi jaŵa, solaoelaoe soeroene, we'amõi ba hili Jehowa andrõ, mangondrası gowe Ndraono Gizeraëli andrõ.

Jesaja - Yesaja 57:15 Da'õ sa niŵa'õ zalaŵa andrõ seboea lachõmi, si lõ teboelõ ba dadaoma zalaŵa, sotõi "Ni'amoni'õ," [iman]: Ba zalaŵa jaŵa so nahiagoe ba ni'amoni'õ ndra'o, ba ba si no arasa tõdõ ba si lõ fajawasa dõdõ, ba oedooe'õ wangorifi zi lõ fajawasa dõdõ ba oefoeli oe'orifi dõdõ zi no

arasa!

Jesaja - Yesaja 65:14 Hiza, sa'iki'iki genonigoe, ba wa'owoeawoea dōdō andrō, ba ja'ami, ba sangarōngarō, ba wa'afōchō dōdōmi bacha, ba sege'ege ba wa'arasa dōdō!

Jesaja - Yesaja 66:13,14 Si mane na irara dōdō nononia ina wondraragoe tōdōmi, ba bacha ba Jeroezalema andrō dania terara dōdōmi. 14 Ba na mi'ilā dania, ba owoeawoea bacha dōdōmi, ba aoeri dania dōlami, si mane doe'oe sawoejoewoejoe. Ba oroma danga Jehowa ba genoninia, ba mofōnoe ia ba zi fa'oedoe chōnia.

Jeremia - Yeremia 15:16 Faloechado daroma li chōoe, ba no amaedola gōgoe, ba tobali fa'omoeso dōdōgoe daroma lioe andrō, ba fa'owoeawoea dōdōgoe, no tōimō mbōrō wamotōi ja'odo, ja'oegō Jehowa, Lowalangi ngahōnō.

Jeremia - Yeremia 24:7 Ba oebe'e chōra wa'oboto ba dōdō, ena'ō aboto ba dōdōra ndra'o, wa no Jehowa ndra'odo! Ba banoeagoe dania ira ba Lowalangira ndra'odo, na moroi si'aikō ba dōdōra lafoeli ira chōgoe.

Johane 14:1 Bōi aboe dōdōmi. Mi'amati ba Lowalangi ba mi'amati chōgoe.

Johane 14:27 Oerōi chōmi wa'ohahaoe dōdō, fa'ohahaoe dōdō chōgoe oebe'e chōmi. Bō'ō nibe'e niha goeli danō, bō'ō nibe'egoe. Bōi aboe dōdōmi ba bōi ata'oe ami.

Johane 16:6 Ba me no oeŵa'ō chōmi da'ō ba no a'oi so wa'aboe dōdōmi.

Johane 16:22 Ba ja'ami gōi, aboe sa dōdōmi iada'e, ba oefoeli oefaiami, ba omoeso dōdōmi, ba lō sangeheta chōmi fa'omoeso dōdōmi andrō.

Halōŵō 2:46 Ba ero ma'ōchō so ira ba gosali, lō aefa'aefa, ha samboea dōdōra, laboboto roti ba nomo misa, latema gōra ba da'ō, omoeso dōdōra ba atoelō.

Roma 9:2 wa no aboe sibai dōdōgoe, awō wa lō mamalōmalō wa afōchō bacha dōdōgoe.

Gorindro II. - 2 Korindro 2:4 Noa sa a'oi so wa'afōchō chōgoe, awō wa'atosasa dōdōgoe, me oefo'ihe'ō zoera andrō chōmi, tengha ha ma'ifoe mowōi dawa hōrōgoe; tengha sa ena'ō aboe dōdōmi, ena'ō aboto ba dōdōmi wa'omasidō andrō, si so chōgoe; wa no abōlō omasido ami, moroi ba niha bō'ō.

Efeso 5:19 milaoelaoe chō nawōmi zinoenō, ba lailō, ba manōmanō nibe'e Geheha, mifalailō tōdōmi, ba mi'anoenō, chō Zo'aja.